

nese, *ut in litteris, videlicet* Lodi, Cassan, Piasenza, Pavia, Parma, *etc.*; *item*, fanti 18 milia in tutto, zoè 6000, ch'è la guarda dil re, et di altri sono 6000 guasconi, il resto zente da pocho. *Item*, il cardinal Roan non è li, si tien sia andato in Alemagna. *Item*, alozate zente d'arme e fantarie in Milano et in li borghi, *adeo* milanesi sono mal contenti et biamano questa guerra, et francesi et venetiani *etc.* E altre particularità, come in dita letera si contien.

Fo posto, per i savij dil colegio, *excepto* sier Antonio Trun, procurator, che, atento li movimenti di Romagna, sia electo *de præsenti* uno provedador zeneral in Romagna, con ducati 80 al mexe, con pena, et si parti *immediate*, con 8 cavalli. Et sier Antonio Trun messe a l'incontro sia electo, chome eri fo electo nel consejo di X sier Zorzi Emo, qual refudò, con ducati 120 al mexe, con tutti i modi e condition e autorità fo electo el dito et con cavali 12, e si parti *immediate*. Andò le do parte: 60 di savij, 120 dil Trun; et fu presa. E perchè vene certa differentia tra i savij di colegio zercha questa election, *unde* fo *iterum* posto per li savij tutti, *excepto* il Trun, elezer *de præsenti* uno provedador, *ut supra*, con ducati 80 al mexe, e con pena ducati 500, con 8 cavali; et il Trun messe elezerlo con ducati 120 al mexe, *ut supra*, et pena ducati 1000, et si parti *immediate*, et possi esser electo di cadaum officio et officio continuo. Andò le do parte: 36 di savij, 150 dil Trun; et questa fu presa. Et fato il scurtinio, rimase sier Zorzi Emo, savio dil consejo, *quondam* sier Zuan, el cavalier, come si vedrà qui avanti. El qual, come fece eri, refudò et monstrò la leze, che per esser dil colegio di le aque, pol refudar senza pena. E di questo tutti di pregadi ave a mal, che in tanto bisogno refudasse et non volesse servir la terra.

101 \* Fu posto, per li savij d'acordo, una bona letera a li provedadori zenerali in campo, laudandoli di aver auto Trevi, et ogni operation fata per l'hor et per quelli illustrissimi capetanio zeneral et signor governador e altri condutièri et capi; et quanto di ruinar Rivolta, Vaylla e Trevi, chome scriveno voler far, di tutto si remetemo a l'hor, che sono sul fato. Fu presa.

Et in questo pregadi, poi leto le letere, fu andato in renga sier Antonio Zustignan, dottor, savio a terra ferma, el qual, insieme con sier Antonio Condolmer, era stato a Santa Maria di Gracia a parlar a lo episcopo di Lodi di caxa sforzesca *etc.*, et referi il tutto. Prima, chome el vene per via di uno fra' Hironimo da . . . , qual andò a Pexaro per trovarlo et

non era, et scrisse a Roma una letera; el qual, senza licentia dil papa, vene subito, vestito da frate di . . . , a Rimano, *demum* in questa terra, et fo in caxa dil principe et col colegio aldito. Et poi quanto el rechiedeva, chome apar per una soa scriptura data, *tamen* referi a mente, *videlicet* vol ducati X milia, vol da poterli spender per intrar nel stato di Milan. *Item*, tutto l'exercito di la Signoria. *Item*, che la Signoria li prometi di mantenerlo in stato, et venendo altri, o fioli fo dil signor Lodovico, che sono in Alemagna, che la Signoria mantengi lui. *Item*, vol poter dar provision a' milanesi di quel di la Signoria, non seguendo il caso et fosseno scoperti over cazadi. *Item*, si lui non potesse far e scazar francesi, vol provision di la Signoria *annuatim* ducati 4 in 5000. *Item*, perchè el dia aver assa' danari dal re di Franza, per il vescoado di Lodi, di le intrade, vol che la Signoria li prometi li diti danari. *Item*, vol al presente la Signoria dagi condotta a suo fradello, conte Alexandro, è a Pesaro, al qual ha spazato letere che 'l vegni qui et quello el vol, e non seguendo, la Signoria li dagi provisione. *Item*, vol una caxa fornita in questa terra.

*Scurtinio di provedador zeneral in Romagna, 102*  
con ducati 120 al mexe, per speze, con pena ducati 1000.

Sier Antonio Trun, procurator, savio dil consejo . . . . .	32
Sier Hironimo da cha' da Pexaro, è di pregadi, <i>quondam</i> sier Beneto, procurator . . . . .	19
Sier Andrea Foscolo, el provedador sopra le camere, <i>quondam</i> sier Marco . . . . .	12
Sier Lunardo Mocenigo, el savio dil consejo, <i>quondam</i> serenissimo principe . . . . .	31
Sier Alvise Mocenigo, el cavalier, savio a terra ferma, <i>quondam</i> sier Thomà . . . . .	79
Sier Domenego Trivixan, el cavalier, procurator, savio dil consejo . . . . .	56
Sier Hironimo Grimani, è di pregadi, <i>quondam</i> sier Bernardo . . . . .	9
Sier Piero Capello, savio dil consejo, <i>quondam</i> sier Zuan, procurator . . . . .	68
Sier Marco Zen, è di pregadi, <i>quondam</i> sier Piero . . . . .	61
Sier Nicolò di Prioli, el governa-	